

Instala Aireac-
dicionado na bo
cas AWOR!



Tel. 2170

ARUBA ANSE COURANT



Diario



pa Aruba



ANJA 21

DIAMARS 28 DI JUNI 1960

Nr. 3770



Invitacion di Kasavubu na Rey Boudewijn

LEOPOLDSTAD, 27 juni — Joseph Kasavubu, e presidente recientemente eligi di Congo Belgico, a invita rey Boudewijn di Belgica, pa atende e fiestanan di independencia dia 30 dje luna aki. Observadornan na Brussel ta bisa cu e rey probablemente lo acepta e invitacion. Ta probable cu lo e contestele majan.

E circulacion aki ta bisa cu e ministro belga pa Congo, De Schrijver, a bai Congo 2 dia pasa, particularmente pa mira si e circunstancianan ta favorable pa un bishita di rey Boudewijn.

Circulacion politica belga ta di opinion en general, cu si Kasavubu no a worde eligi presidente, e rey lo a worde conseha di no bai Congo.

Rey Boudewijn a acepta e invitacion dje presidente nobo di Congo, Joseph Kasavubu, pa atende e festividadnan di independencia dia 30 di juni, na Congo.

E conseho di ministranan di Congo Belga a dicidi di duna e pais nobo cu lo bira independiente dia 30 di juni, e nomber „Republica di Congo“.

Asina ta cu lo tin 2 republia cu e mes nomber, na Africa.

Kasavubu a haci e huramentu presidencial awe mainta. Tabata presente entre otro e ministranan belga De Schrijver, Wigny y Gashet van der Meersch, y gobernador general Cornelis.

ELIZABETHSTAD, 27 juni. — E revista semanal „Katanga“ di Elizabethstad, a informa cu un grupo di comunista ta trata di pone hobenan congoles na e provincia Katanga cu ta jen di koper, bishita e paisnan comunista. E revista a menciona nomber di un congoles, cu a bai Pek'ing poco tempo pasa, y ta bisa cu e homber ey ta responsable pa e hecho, cu ya cu 10 mucha homber hobon a bishita e paisnan comunista.

NEMF A HANJA AGENCIA DI FORD INGLES

ORANJESTAD. — Firma Neme Import Export Co. a informa nos cu nan a ser asembra agente di fabricacion di automobil Ford ingles. E agencia aki antes tabata den man di Ecury Motors Ltd., pero cu ceramentu di garashi di e firma aki, e agencia a keda liber.

PROGRAMA

di e

6a OLYMPIADA DI A.S.U. 1960

AWE, 28 DI JUNI PA 6.30 P.M.

den

LAGO SPORT PARK

Atletismo y careda di bicicleta

ARUBA — CURACAO — TRINIDAD — VENEZUELA

Entrada: Fl. 1.—

Fl. 0.50

DEPORTISTANAN TA PREFERA

E ARTICULONAN DI DEPORTE
DI

J. E. P. CABENDA

GANA

P-L-A-C-A



BEBE PEPSI

„Look under the Crown“

Nan tabata camna ta show cu dos antenna di auto cu nan a cuba di ranca for di dos auto para canto di camina. Polis a hibanan warda y proces-verbaal a canta.

Indjan brabo

Telefonicamente Hotel Colombia a pidi policial ayera marduga pa un cinco pa un. Un persona tabata stroba e sosiego di anochi di e otro huespednan di e hotel. Polis a jega y calma e homber aki, kende a primatiti di keda calmo. Rato e despues e telefon di e mesun hotel a ring pa e mesun indjan, J.C.C. aki. Ya un binti minuut despues e indjan aki a cambia di e hotel cu sunsash den Zoutm-strat pa esun cu „barri hero“ riba Wilhelmplein.

Un slimplento cos'oso

Un slimplento siguramente no di kada dia e auto A-3210 maneha pa M.A.V. a hanja diadomingo atardi pa un cuarto pa dos mas o menos, banda di Misa na Savaneta. Bahando for di caminda grandi drentando uno di santo e auto a slip y corre dal ariba un poste di luz y despues drenta den un cura di cadushi. Danjo e auto fls. 1200.— e poste fls. 200.— y e cura fls. 40.—.

A SLAAG PA MULO- EXAMEN

ORANJESTAD — Esnan cu a slaag pa nan Mulo-Examen diasabra y ayera ta:

Kenneth F. Brook, Arlene M. Bryson, Estela R. Richards, Norma R. Priest, Lena Langedijk, Frank R. Ranada, Johanna Platteel, Glenda T. Marques, Linder M. Bell, Vernita M. Bell, Elfrieda J. Wong, Georgia G. Sint Jago, Lillian A. Simmons, Alicia C. Potter, Celia M. Ramon, Doris H. Raymond, Isabella G. Richardson, Marion Marugg, Johannes W. Moore, Janet Khan, Nélida J. Solano, Filomena J. Swaen, Angelica C. Tromp, Edna V. Tromp, Ellen B. Roos, Louisa B. Kelly, Rafael C. Jansen, Ismael N. Jacopucci, Ruben A. Jacobus, Gloria P. Bell, Inro A. O. Dongen, Henk R. de Vries, William L. Phillips, Antonio V. Zambrana, Gerold A. Engelbrecht, Ronald F. Ponson, Ewald F. Mohamed, Frits O. Oliveira, Dorothy E. Rumt.

FATUM — Tel.: 1845
Pa tur bo aseguranan



Grosero

ORANJESTAD. — Algo puramente pa groseria dos marinero norwechi a haci den B. v.d. Veen Zeppenfeldtstraat na San Nicolas siman cu a caba.

E promer dia a duna endi- cacion di un final exitoso

ORANJESTAD — Tabata un bista mescos cu ora school ta cabando ayera mainta na Oficina di Censo. Cincuenta di e „contadornan“ a bandona e oficina aki cu nan „farea“ bou nan brazas, mescos cu muchanan cu a sali for di school. Tur e cincuentanan aki siman cu a caba durante tres dia a hanja un bon preparacion, y ayera mainta entre ocho y mei cu much'or nan mester a djes bin busca e formularionan blanco pa un rato despues cuminsa cu e trajeto di cas pa cas, haciendo semper e mesun preguntanan. E Censo cu lo ta di asina tanto nificacion pa nos isla a cuminsa.

Sacando for di boca di varios di e contadornan nos por informa cu e promer dia aki tabata un exito. Despues cu gobierno a percura pa esnan cu no tin propio transportacion, y na mes tempo pa esnan cu si tin uno, hanja un tanki jen di gasolin, nan por a sali pa cumpli cu nan encargo. E poblacion a ricibi e contadornan na un manera di lo mas cordial, y a muestra di e manera aki di ta comprende ta ki un bator un tal censo asina tin pa nos comunidad.

E innumerables avisonan den corant y na radio a haci hopi influencia. Door di esaki e pueblo tabata alerta, y a prepara tur e cosnan necesario manera trouwboek, y tambe e senjoranan di cas a corda puntra e cubes di cas, promer cu el a bai trabou, ta cuanto e ta gana „porfin“. E pueblo tabata bon prepara pa e censo aki y te asina leu na por a worde comproba cu un di e contadornan a hanja nan mes confronta cu por ehemplo e pregunta: Un censo, ta kiko e cos ey ta?, o algo por estilo.

E amanan di cas a laga e trabou di tur dia para na un este y cu un jiu chikito, cu no por caba di diti, nan tabata contesta e preguntanan un pa un. E entrevista, cu tabata dura di 30 te 40 minuut pa cada cas, tabatin algo sumamente agradable cunelo.

Molster no tabata hopi pa e contadornan; e senjora tabata sabi exactamente cuanto klas e casa a caba.

Por parti di mainta so, ya tabatin algun di bishitantenan cu a „pasa ariba“ diez te diecisco familia. „Casi tur e casnan a duna tur e informacionnan completo, solamente pa un dos tres nos mester bolbe un otro dia. E cabez di cas no kier bisa cuanto e ta gana“, tabata opinion di un di e contadornan.

Awé por spera cu e trabou aki por bai cu mas facilidad ya cu e experiencia hanja ayera lo por selecta e preguntanan na un manera cu lo ta mas agradable ainda pa e hendenan di cas.

Agasajo di lidernan di La Salle Stichting

ORANJESTAD — Diadomingo anochi e portanan di Huize La Salle tabata hancho habri pa ricibi e lidernan di e clubnan afilia na e Jaugdcentrale La Salle. Musica alegre a guia e invitadonan na e plaza interior, dorna tur na luz di color, na unda nan a ser ricibi pa e directiva Central di e Jaugdcentrale.

For di tur skena di e isla un sesenta lider di e shete club juvenil di e

frerenan a bini hunto cu e solo idea: pa pasa un rato divertido entre nan.

Tabata un idea sublime di e directiva central pa organisa e anochi aki pa asina fortifica e contacto necesario y util entre e clubnan. Pronto e ambiente tabata masha agradable, principalmente ora cu un diez damas masha carinoso di Club Estrella tabata bai bini y zora pa ninguun hende no mester a keha di hamber o sed. Si riba e programan tabata para solamente un discursos di b'evenida, esaki sin embargo no a socode.

Varios di e lidernan a hanja e idea pa bini dilanti microfono y pa bisa un boca di palabra.

Si tabatin algun hende cu no por a comproba door di e ambiente cu tur hende tabata sumamente satisfeco, anto nan por a keda convenci for di e diferente di esnan cu a para tras di e microfono expresando esaki. Pa mas o menos dies'or y mei e calmo di cosumber den Huize La Salle a bolbe reina.

Un bista durante e agradable agasajo den e plaza interior di e frerenan organisa pa tur e lidernan di e lidernan di e clubnan afilia na Jaugdcentrale La Salle. Co'i come y bebe tabatin na abundancia



Sr. Jacq. Dutilh durante un recepcion den Aruba Caribbean Hotel cu a worde teul na su honor.

PRESIDENT-COMMISSARIS JACO. DUTILH DI OGEM A FALLECE

ORANJESTAD. — Diadomingo a fallece na Rotterdam despues di un maleza cortico mr. Jacq. Dutilh, president-commissaris di Overzeese Gas & Electriciteits Mij. Senjor Dutilh a alcanza e edad di 76 anja.

Durante februario di e anja aki hunto cu senjor H.L.F. Rinker, president-directeur di Ogem, el a haci un bishita na Aruba.

Esaki a tuma lugar den cuadro di

un bishita na e diferente establecimientonan di Ogem (Elmar na Aruba ta un filial) den Hemisferio Occidental.

E compania durante ultimo temponan tabatin mala suerte. Luna pasa a muri jr. H. Jonkers, miembrro di directiva central. Durante augustus di anja pasa tabata jr. K. Luymes, director di Elmar na Aruba cu a muri y algun luna despues tabata e hoofd-machinist senjor E. Breijer.

Pa motibu di rouw oficina di Elmar lo ta cera mayan — dia di entierro di Jacq. Dutilh na Rotterdam.

JAMANOTA CU DIRECTIVA NOBO

ORANJESTAD. — Diadomingo pa: sa Jamanota Club na Santa Cruz a tene reunion general pa nombra directiva noba pa e anja aki. E presidente pa e anja aki a bira senjor Johannes Ridderstap, Vice-presidente: Armando Croes, promer secretario: Janchi Ridderstap, segundo secr.: Juan Maduro, promer tesoroero: Frans Croes, segundo tesoroero: Jose Croes y comisionarionan ta: srs. Jan Krosendijk, Luis Geerman, y Emiteiro Everen.

CELEBRACION DI „4TH OF JULY“ NA SEROE COLORADO

SAN NICOLAS. — American Legion a organisa un fiesta pa diasabra anochi proximo. Anto na ocasion aki lo tin oportunidad pa gana enorme premianan.

Durante un anochi asina nan ta tene un herdadiera fiesta mericano, grandi y mas grandi. E hiba aki e premianan ta: un Valiant, un Fiat y dos radio. Simanann di antemano e loterianan a worde bendi cu hopi entusiasmo. Tur anja ta un herdadiero sorpresa ora cu 12'or di anochi entre hopi boroto y musica e loteria ta hunga.

Esaki na ocasion di „Dia di inde-



Kende ta laga di un problema? Tur dia, nos ta experimenta esaki: hobennan riba tereno di amor, school deporte y na cas cu nan mayornan, mayornan cu educacion di nan jiu nan, relacion cu educacion di nan jiu, relacion cu bishita y familia.

Como Rosemary sabi cuanto problema ta molestia un of otro persona, e ta pone su mes na disposicion pa tur dianan y luna consoho gratia riba e diferente problema cu bo por confiele den nos corant. Manera bo carta pa „Arubaanse Courant“ Nassaustraat 35 y scribi den un hoek di e envelope bon cla „Correo Confidencial“. Si en caso bo problema lo pa ponele y pa ser contesta den nos corant, anto bo por ta asina bon di inclui den e envelope otro envoltura cu algun otro problema personal d Rosemary ta dispuesto na yudabo lopo cu bo adre riba dje y stampia yi e ora bo ta lansa un contesta personalmente.

1. Apreciabel Rosemary. Mi ta bin scribi Rosemary e carta aki pa motivo cu tur siman mi ta lesa dea Arubaanse Courant cu Rosemary ta duna consoho na esnan cu tin un of otro problema.

Wel mi problema ta esun aki. Rosemary: Mi tin un mucha homber di 24 anja, cu ta stima mi hopi. Mi mes tin 22 anja. E mucha homber ey a pidi mi pa casa i mi mayornan no tabata yuda contra, alcontrario, nan tabata masha contento. E ta un bon mucha homber, decente i di bon familia. Tur cos tabata bai masha bon, pasobra su hendenan tambe a mustra cu nan ta stima mi. Awor ta dos luna, cu e mucha homber ta esun mi tras bisando cu mi mester mustrele mi

amor i dunele mi honor prome. En caso cu mi no haci esey, e no ta casa cu mi pues e no ta sigur cu mi ta stimele. Ma mustrele Rosemary, cu mi ta stimele hopi pero cu mi no kier perde mi honor prome di casa. Esey no tin nada di haber cu mi no ta stimele. Pero el a bisa mi cu si mi no haci lo ke e ta pidi mi, mi no ta stimele i e ta bai larga mi.

Mi no sa ta kiko a drenta e mucha homber su cabes. E no ta stima mi mas? Of, Rosemary, por ta cu e ta busca un motivo pa bai larga mi? Pasobra e sa masha bon cu mi ta un mucha muher decente i mi no ta bai nek mi bida pa su capricho. Mi ta sinti cu masha tristo pasobra mi ta stimele hopi si. Nos tabata pa casa e anja aki, Rosemary.

Kiko mi mester haci i kiko mi mester bisa e mucha homber? Duna mi un yudanza, Rosemary.

1. Ansiedad. Mi amiga, bo ta bisa cu e ta un bon mucha homber, decente etc. Pero ami ta haya, cu e ta comporta su mes awor aki masha malo cu bo. Kiko ta su intencion, mi amiga, esey mi no por sa. Un cos si mi sa: si bo dunele bo honor awor E NO TA CASA CU BO SIGUR. Ademas en caso cu bo mester salta na estado e ta bai larga bo tambe. Esaki ta un cos, cu a pasa masha hopi vez caba. Tantísimo carta mi a ricibi riba e mes un asunto aki.

Mustra e mucha homber cu amor no taifica kito honor di bo mucha muher. Amor kier meen, haci otro feliz. Mi ta spera cu bo mucha homber lo cambia di idea, cu lo e bandona su capricho robes. En todo caso, abo, mi amiga, mantene bo firme i no perde cabes.

Rosemary

2. Mi amiga, ho a pidi mi di no publica bo carta i di duna bo un contesta so. Bo ta mira den e carta aki riba di Ansiedad i den mi contesta... un caso casi mescos cu di bo.

Lesu bon lo ke mi a contesta Ansiedad, e contesta ey ta pa bo tambe. Aunque cu e mucha homber di bo tin ainda un caracter mas malo. E ta mustra bo, cu e NO tin ningun bon intencion, e no kier casa. Un cos so e kier haci, esey ta abusa. Wel mustra cu bo ta un mucha muher di balor. Den bo bida bo por haya un bende pa haci bo masha feliz, no nemi e mucha homber ey danja bo bida awor i danja bo porvenir.

Rosemary.

INVERSION DI 50 MIJON

Plan di diez anja pa turismo na Corsow

Schema pa un plan traha pa dr. Henriquez

WILLEMSTAD — Diabierne ultimo pasa gezaghebber Gorsira a presenta cu un proyecto concreto riba mesa pa e desarollo turistico di Corsow pa e diez anjanan venidero. E plan ta trata di un inversion di cincuenta mijon florin. Local a ser splika den un „schema pa un plan general pa turismo na Corsow“ di cual e informacion a keda liber pa publicacion awor.



Dr. Ir. P. C. HENRIQUEZ

Ta di importancia pa tur miembro di nos comunidad sa cu pa e plan aki resulta un exito un y tur mester coopera. Tambe en conexion cu esaki e gezaghebber a papia di e yudanza financiero indispensable di Hulanda.

Turismo ta un di e fuercianan cu nos por usa pa crea entrada di de visa extra y un fuente cu por ta sumamente beneficioso. E aumento di turismo den Caribe te ainda ta fabuloso y nos mester percura pa nos haya nos parti di esey. Nan sa papia di „industria di turismo“ y si nos no tin materia prima pa otro industria nos tin pa esun aki. „Nos tin nos solo qu ta brilla tur ora: nos liman bunita, nos playanan, nos ciudad, nos particularidadnan historica y no mester lubida nos „shopping center“. Pa laga e „materia prima“ aki sin usa lo tabata un locura, especialmente den e tempo aki unda un ampliacion di nos base economico te asina necesario. Y agradabel di e materialnan aki ta cu nan no ta caba ora us, nan.

Corsow tin un turismo di „cruise“ importante; pero practicamente nos no tin „ressort tourism“ (turistanan qu ta pasa nan vacation aki).

Trahamento di un plan total, un plan di diez anja pa funda esaki tabata urgentemente necesario. Pero tabata comprensible cu ejecucion di esey lo a surpasa forza economico di Corsow. Ministerian Traquin y Kroon a haya bon oido durante nan deliberacionnan na dia di 1959 cu Gobierno Hulandes pa yuda Antillas cu un plan di 10 anja, mesos cu Hulanda a yuda Surinam. Composicion di un plan total pa usa nos materialnan turistico mas mihor posible y pa conserva nan a bira algo mas urgente. E cooperacion fuerte cu ta existi entre territorio insular di Corsow y Gobierno Central na e esfuerco pa construcion economica a ser manifesta eyan, un

da territorio insular por a haci uso di TERNA (Technisch Economische Raad der Nederlandse Antillen) pa traha un „masterplan“ den termino cortico pa desarollo turistico di Corsow.

Territorio insular ta gradici especialmente Minister di Bienestar Publico. E plan a ser compaña pa Dr. Ir. P.C. Henriquez quen manera ta conoci a traha tambe e plan pa Bonaire e Islaan Arriba. Pa e preparacion excelente di masha gradici na senjer Henriquez.

Pa bisa cu Gobierno Insular ta spera di haya e medionan di Eilandsraad pa laga eexecu e plan aki te den detayes ta masha „zwak“, e gran importancia y e urgencia ta masha evidente cu cualquier miembro di Eilandsraad di cua partido e por ta tambe — lo por duda.

Pero Gobierno Insular ta di opinion cu iniciativa particular mester mustra su mes masha mas activo na e esfuerconan pa amplia e base economico di nos isla, e ute awor aqui tabata e caso.

Pa esey gezaghebber a nombra recientemente un comision for di comercio cu e fin pa duna consoho. E comision aki ta consisti di senjores Frans Karner, Charles B. Debroit, y Cecil Delvalle.

Ta un gran satisfaccion di por participa qu e senjornan aki a cuminsa traha cu hopi energia y como prome hecho nan a colecta mas di 65.000 florin den comercio pa yuda eexecu e segunda etapa di e „planning“.

Gobierno Insular ta conveni cu e actividad di e comision aki no a termina cu esey lo queda mantene contacto pa demas eexecu e di e „planning“. Entre tanto gezaghebber a pidi Eilandsraad un credito complementario di 100.000 florin pa eexecu e plan mas pronto posible. Esaki en coleccion cu e peticion di Gobierno Central pa mas pronto posible entrega plannan di desarollo pa Corsow, cu e fin pa inclui esaki na e peticion di ayuda na Hulanda.

Tambe en conexion cu esaki ta e intencion di Gobierno Insular pa laga e segunda etapa di e plan, esta e demas eexecu e den detayes, tuma lugar den termino mas cortico posible di moda qu nos por papia di un „crash programma“ pa elevacion economica di Corsow cu a ser eexecu e cu hopi esfuerco y conscientemente.

„Vereniging voor Handel en Nijverheid“ a tene diarason anochi un reunion den Hotel Curacao Intercontinental durante cual senjer F.H.M. Karner y senjer C.L. Delvalle, y e otro miembronan di e sociedad, a hiba palabrita tocante turismo y e plan di diez anja pa turismo na Antillas. E prome parti di e plan aki ta costa mas o menos dos cien mil florin y di esaki ya tin un parti finalisa y awor nari a pone fl. 25.000 disponible pa e segundo parti di esaki. E ultimo par-

ti di e plan di 10 anja, lo costa un capital enorme. Mas o menos cincuenta mijon y ta e intencion pa pidi Hulanda financira dos tercio di e plan aki.

E intencion di e plan di 10-anja ta mas cu e. Antillas mester ancha su base economico mas pronto posible, y despues di petroleo ta turismo ta e mihor industria pa haci esey.

Den e reunion aki a resulta qu e sociedad no ta busca solamente con pa gana mas tantu placa, sino tambe ta interes, den e parti social y humano y for di esey nan a mustra qu un florin gasta pa y cu comunidad ta produci dos florin.

A ser mustra riba necesidad turistica pa un cooperacion entre e islanan di Antillas y especialmente entre Corsow y Aruba. Esaki ta un asunto qu a pesar di tur bon esfuerconan e intencion te ainda no ta tur regla.

Ademas na a mustra cu enfasis qu mester pone mucha mas atencion na instruccion eficaz di esnan qu den futuro mester haya un moda di bida den Antillas, pais di turismo.

Traha estadisticanan di e cantidad di hendenan cu lo bin bida di turismo, ta masha mas facil qu percura pa tin empleado-experto den tur ramo pa presenta na e turistanan qu ta existi hopi. Por amplia e sistema di pensa aki y bisa qu ta yunan di terra mes mester sirbi turismo, es decir, cu unda qu por emplea un viui di terra, mester haci esaki. Esaki lo ta deber di cualquier dunador di trabao y tambe di Gobierno. Tabatin hopi elogio pa opinion di Minister Kroon y pa loqual ta toca e plan di 10 anja pa turismo e iniciativa di Gezaghebber Gorsira tambe a haya e reconocimiento.

E plan aki ta duna un impresion bon di loque ta ser haci pa futuro di Antillas y si sigui traha manera ta trahando actualmente e industria di turismo por resulta un exito na Antillas.

Discursionan preparativo Argelino

PARIS, 27 juni. — E discursionan preparativo, cu ta tuma lugar desde diasabra atardi, entre delegadonan di gobierno rebelde argelino, y representantes di gobierno frances, a sigui ajea. Awor cu no tin noticia oficial tocante nan progresonan, circulan cu tin contacto estrecho cu prome ministro Debre di Francia ta bisa, cu te ainda nan no a topa cu ningun strobacion grave. Tin motibo pa spera, cu e delegacion di miembronan di gobierno argelino, lo jega Paris na fin dje siman aki of cuminzamento di otro siman. Ta probable cu e delegacion lo ta bao di direccion di Ferhat Abbas, lider dje gobierno provisorio argelino.

Circulan ben informa na Paris ta bisa cu for di cuminzamento e dos partidonan tabata defende nan puntonan di bista fuertemente den un „atmosfera hasta bca“. Nan a discuti particularmente status dje delegadonan. E argelinoan ta considera nan mes como representanten di un gobierno, mientras cu e francesnan ta mira nan solamente como delegadonan di un organizacion estranhero.

FEDERICO OSORIO A GANA BILJARD DI A.S.U. OLIMPIADA

(Di nos redactor Deportivo)

ORANJESTAD. — Despues cu diasabra atardi e partidonan senjala pa tuma lugar den Commandeursbaai Club na Sivaneta a fracasa debi na cu varios di e hungadornan no a presenta, diadomingo den Club Tivoli si e encuntronan di biljar di e Sexto A.S.A. Olimpiada a worde hunga.

E promer wega tabata entre Francisco Arends y A. Poppe, resultando

Arends ganador score di 150 pa 73. Poppe a perde den su segundo partido tambe contra di Federico Osorio cu score di 64 pja 150.

Den e finale a topa e dos ganadornan Osorio y Arends, ganando Osorio 150 pa 70. E seria di mas halto tabata di Osorio cu 29, mientras cu esaki tabata tin tambe e mihor promedio cu 7.5.

Despues di e finale e bunita trofeo di ganador a worde entrega door di president di Biljard Bond Carambola, Sr. Duly de Kort na Federico Osorio, mientras cu Arends a ricibi esun di number dos.

BO TA BAI CU VAKANTIE!!!

BO KIER GOZA VERDADERAMENTE DI E VAKANTIE AKI!!!!

Pasa conversa cerca nos SIN NINGUN COMPRO. MISO, nos ta entregabo bo auto di vakantie, na cualquier parti di Europa of Amerika....

Nos tin un coleccion grandi di auto pa bo escoce

TAUNUS 12M
TAUNUS 12M Super
TAUNUS 12M Stationwagen
TAUNUS 17M 2 y 4 porta
TAUNUS 17M Stationwagen
ANGLIA
PERFECT
CONSUL
ZEPHYR
ZODIAC

FORD

Esakinan ta algun ehemplo di e marcanan cu no solamente nos por ofrescebo, sino cu tambe lo cumpli cu bo exigencianan.

Di fl. 2240.— di fabrica

Pesey pasa awe mes na
NEME IMPORT EXPORT MAATSCHAPPIJ N.V.
ESTABLECI 1925
e negoshi di auto mas GRANDI di Aruba.



Banco Antillano n.v.

Nassaustraat 60 — Oranjestad
(boven WIMCO)
Telefoons: 1208 - 1209


Sinds de instelling van onze Spaar-Afdeling
vergoeden wij op spaarrekeningen

3%

rente per jaar.

Vraagt vrijblijvend inlichtingen
tevens omtrent
DEPOSITO'S
BELEGGINGEN — CREDIETEN
ALLE VERZEKERINGEN

Bij de Banco Antillano bent U Beter Af.



SERVING ARUBA FAITHFULLY AND UNINTERRUPTEDLY FOR MORE THAN THIRTY YEARS WITH A CENTURY OF EXPERIENCE TO BACK IT UP.

Fast and regular freight services with modern vessels with limited passenger accommodations:

WEEKLY: from Europe & U.S. Atlantic Ports
FORTNIGHTLY: from U.S. Gulf Ports
FOUR WEEKLY: to and from Europe and Caribbean Isles by the fast and modern motorvessels „ORANJE NASSAU“ and „PRINS DER NEDERLANDEN“.

Schedule of arrivals/departures at/from Oranjestad

Day	Vessel	From:	To:
28-6-60	HELIKON	Amsterdam - Curacao	Itali - Nassau - Mobile - Houston - New Orleans.
30-6-60	VALERIA	Philadelphia - New York - Curacao	Maracaibo - Puerto Cabello - Baltimore - Philadelphia - New York.
2-7-60	ORANJE NASSAU	Puerto Limon - Kingston - Santiago de Cuba - Cartagena	Curacao - La Guaira - Port of Spain - Barbados - Europe.
2-7-60	ERWIN SCHROEDER	Italy - Lisbon San Juan - Montserrat - Port of Spain - La Guaira - Curacao	Maracaibo - Barranquilla - Cartagena - Kingston - Red.
6-7-60	CHARIS	Amsterdam - Curacao	Fukuhai
7-7-60	SOLO	Charleston - Baltimore - Philadelphia - New York - Curacao.	Maracaibo - Puerto Cabello - Baltimore - Philadelphia - New York.
9-7-60	ADONIS	Mobile - Houston - New Orleans - La Guaira - Puerto Cabello	Port of Spain - Guanta - Mobile - Houston - New Orleans.

Call: 1777 (three lines) - Oranjestad — 5296 or 5496 - San Nicolas

Dennis, de schrik van de buurt!



„Wil je me horen zingen: „We gaan nog niet naar huis?“ Ik kan het erg goed, hoor“.


„Bo quier tende mi canta: „Nos no ta bai cas ainda?“ Mi sabi e masha bon“.

DETALLENAN DI ELEGANCIA DEN UN CAMISA FAMOSO

E COL TA TRAHA DI UN PIDA SOL CU NUNCA TA MACHICA! E CAMISA EXTRAORDINARIA

VAN HEUSEN

Century



E prome bez cu bo usa un camisa VAN HEUSEN Century lo bo descubri cu e col di e camisa aki ta traha na perfection. Su construcion especial, di un pida sol, ta haci cu nunca e ta machica. Pone aki cerca cu ecamisanan VAN HEUSEN tin mas estilo y distincion incluyendo detallenan fini, manera e puntanan di manga cu ta cambia pa usa sea cu boton normal o cu mancorina.

No laga di mira e camisanan CENTURY Vantage, un exclusividad di VAN HEUSEN na telanan di catuna „Laba y usa“.



Custom REFRIGERATOR

Custom CREDIT TERMS.

Custom FC-9

9-cubic-foot capacity! Many luxury features!

Big 60-pound freezer section. Big full-width crisper. Full-width shelves inside, in the door, in freezer. Butter and egg compartments. Handy dial defrosting. Automatic temperature control. Low, low price.

RCA Whirlpool

ONLY Fls. 46.50 MONTHLY
(and Fls. 100.— down)

MANSUR TRADING COMPANY

Firma Jan C. Lacle

ta presenta cu orgullo, e famoso y legitimo

WHISKY ESCOCES

„Angus Mc Kay”

Un producto di calidad di expertonan Escoces

„ANGUS Mc KAY”, whisky Escoces di mehor calidad.

Tennis amistoso entre Aruba y Corsow

(Di nos redactor deportivo)

ORANJESTAD. — Un conunto di tennis cu Iyo Pimentel, campeon di Venezuela, na cabes durante e weekend a gana cuatro wega contra di tennistanan local. Diasabra atardi ariba cancha di Tivoli na Playa dos encuentro di singles a worde hunga.

E promer tabata entre Ramon Pimentel (Corsow) y Nel Harms (Aruba), resultando e campeon di Corsow vencedor den dos set cu scorenan di 6 pa 4 y 6 pa 3. Tabata un hunta partido, den cual ambos a duna tur loke nan tabata tin. Pimentel a bolbe muestra su habilidad na halfcourt y dilanti di net cu su frecuente atakanan. Nel Harms cubriendo hopi tereno a duna un bon wega, pero mester a baha cabez pa su contrario.

E segundo match tabata entre e campeon di Venezuela, Iyo Pimentel, y Janny Brokke campeon di Aruba. Iyo a hunga na nos isla diez anja pasa tempo cu e tabata campeon di Corsow y tabata tiy apenas 16 anja di edad. E tempo ey el a worde derrotado door di Vi Henriquez. Dos anja despues Iyo a bai biba na Venezuela y luego di falla den obtene e titulo di campeon e promer anja cu el a competi el a gana den su segundo anja aya y no a entrega e titulo ey te ainda. Ya e tin'e seis anja den su poder.

Iyo, un humilde deportista kende ta e gloria y atencion cu e ta hanja no a danja su cabes, ya tin mucho mas cu mita di mundo corri caba. Na Rusia el a keda un siman caminda el a hunga den un torneo internacional.

Cuatro biaha el a bai competi na Wimbledon, caminda anualmente e crema di tennis mundial ta topa pa dicidi ta cualnan ta e mihoran di mundo.

Tambe na Forest Hills Iyo a competi varios biaha caba. Por cierto despues cu e bolbe Caracas otro siman, e lo sigi pa Forest Hills caminda atrobe e lo bai competi.

Den su partido diasabra atardi contra di nos campeon Janny Brokke, Iyo a muestra di ta realmente un tennista mundial. Cu gran experiencia e tabata anticipa e hugadanan masia bogi y semper bai tabata coloca exactamente caminda Janny tabata bai dal'e bala. Cu poco dificultad Iyo Pimentel a gana e dos setsnan 6-0 y 6-1.

Diadomingo atardi e segundo parti di e partidonan a worde hunga. E promer match di dobles tabata entre D. Haseth/E. Hernandez di Corsow contra e pareha di Aruba Nel Harms/Stewart Malmberg. E combinacion di Corsow a gana e promer set cu score di 9 pa 7, pero entrega e segundo 6 pa 3.

E set decisivo ta worde gana door di e pareha Haseth/Hernandez cu score di 6 pa 3. Tambe e segundo match di dobles ta bai den tres set. A subi tereno e combinacion fuerte di nos isla Janny Brokke/Vi Henriquez pa enfrenta e rumannan Ramon y Iyo Pimentel, un combinacion cu anjana n largo tabata campeon di Corsow y a cosecha hopi gloria.

E rumannan Pimentel a gana e promer set facilmente cu score di 6 pa 2. Pero e segundo ta termina na nomber di Brokke y Henriquez 7 pa 5 forzando asina un tercer set. Esaki a bira un set largo y ta te na 9 pa 7 e rumannan Pimentel a logra gana e match.

Nos por a goza di varios interesante rally den cual e veterano Vi Henriquez a demostra su calidad di bon tennista ainda. Su servicionan tabata pone e rumannan Pimentel for di posicion dunando Brokke asina bon chens di remata dilanti di net. Asina e combinacion di Corsow a gana tur e cuatro partidonan di tennis.

Lastima ta cu asina poco publico a bin goza di e partidonan. Especialmente esunnan di diadomingo tabata masha interesante y a merece mihor atencion di e fanatico Arubiano.

TENNISTANAN DI VENEZUELA PA A.S.U. OLIMPIADA

(Di nos redactor Deportivo)

ORANJESTAD. — Noticia awor numa a worde ricibi for di Venezuela cu lo bin tuatro tennista pa participa den e Sexto A.S.U. Olimpiada durante e proximo weekend.

Esaki ta haci cu un cambio mester worde treci den e programa cu a worde traha contando cu lo tin weganan local. E partidonan lo worde teni awor den Lago Sport Park, caminda semper ta bin mas publico pa goza di e weganan di e deporte blanco.

E hungadornan cu lo bin representa Venezuela ta Iyo Pimentel, campeon kende nos por a goza den accion e weekend cu a pasa, Manuel Gallardo subcampeon, Elias Gonzalez Delfino number cuatro y Olando Bracamonte, campeon di junior.

Huzgando na loke Iyo Pimentel a demostra e ultimo weekend nos tin di bisa cu e amantenan di tennis ta hanja e weekend aki un oportunidad di mira bon tennis. Mas o menos 20 anja pasa ta ultimo biaha cu algun hugador di tennis di Venezuela a bin hunga na nos isla.

CUMPLIANJOS



A cumpli su promer anja di feliz existencia e hobecita Marina Werleman Tromp y ta ricibi felicitacion di su tata Jesus, mama Maria Tromp, welonan Bruno y Neeuw, tantunan Tina, Maria, Annie Tromp, onanjan Leo, Jicobus, Frans, Eligio, Ignacio, Ulpiano, Ruben, Bito, Juan Tromp, primanan Bartol, Cecilia, Aida, Jolanda, Rudi, Roland Gomez, Richard Frans, Edi y Raquel Tromp, especialmente di su madrina Senjorita Agueda Henriquez y su padrino Augusto Reyes.

Ta celebra su feliz cumpleaños Sonja Thijssen y ta ricibi hopi felicitacion di su prima Bernadetha Lopez.

E hobecita Marina Werleman ta ricibi felicitacion di su tata, especialmente di su prima Bernadetha.

Lourdes Maria Bernadeth ta cumpli 2 anja y ta ricibi felicitacion di su wela y welonan, tanta y omonan, un pa bien especial for di Hulanda, di su tanta Sita y Luciel, nan ta desea Lourdes hopi anja mas di bida.

Senjora Crescencia Giel ta recorda su fecha natal y ta ricibi felicitacion di su esposo Hose Giel, jiu Onaira, comadre Estela, di Seferina, Susita y Bejanchi, especialmente di su iha Senjorita Alicia Farro.

Senjor Juan Werleman y su esposa Regina a cumpli 32 anja matrimonial y ta ricibi felicitacion di nan jiuana Modesta, Placida, Maxima, Carlito, Enrique, Jacintha, Esteban, Pablo, Bruno, Emerald, Juan, Rey, 14 nieto, suegro Celedonio, Ben, Beto, suegra Lucila, Felepiara, Candida, Angelita, Fichi, especialmente di Dorothea, di miembronan di Sport Boys, y tambe di familia Werleman, Kock, Bello, Kelly y demas conocinan.

ARUBAANSE COURANT

diariamente cu excepcion di diadomingo

Edita pa N.V. ARUBAANSE DRUKKERIJ EN OVEREERS. EN PUBLICITEITS MIJ. NASSAUSLAAN 85 - Oranjestad, Aruba N.A.

Suscripcion 1/3 - paga adelanta Edicion suelta 20 ct

Telefon: 1116 Directiva y anuncio - 2116 Redaccion y suscripcion

Directeur-hoofdredacteur G. J. Oetters

Imprenta na N.V. Drukkerij „De Sled”

Agenda CINE

DE VEEB 8.30 „Revelst in the big house”
10 J. „Huwelijk prinses Margaret”
PRINCIPAL 3.00 „El Super-Floco 14 J.”
PRINCIPAL 8.00 „Untamed Youth” 18 J.
AURORA 7.30 „Curve her name with pride” 18 J.
SAVANETA 7.30 „The Mysticians” 18 J.

WIT-GELE KRUIS
Zr. Ewaldia - Zr. Perpetua. tel. 2200

BOTICANAN DI WARDA
San Nicolas: BOTICA SAN LUCAS, tel. 5117
Oranjestad: BOTICA DEL PUEBLO, tel. 1253

POSTSLUITINGEN Dinsdag
Curacao 10.00 & 16.00. New York 8.00.
Sofiname 16.00, Caracas 15.30, Maracaibo 15.30.

RADIO KELKBOOM

Diamars 28 di juni

11.30 Musica varia
12.00 Lunchmuziek
12.10 Noticias locales
12.25 Nieuwsberichten
12.45 Norte Americana
12.55 News in nishell
1.00 Musica varia
1.30 Fin di transmision.
4.00 Rancheras
4.30 Noticias na Pap. Gokaal-polls y dep.
4.45 Cocktail musical
5.00 Danzones cobanos
5.15 Un progr. cu Porros
5.30 Un progr. cu Orkestra Soblime
5.45 Rolando La Serie
6.00 Calypso
6.15 Cumple anjos-felia
6.30 Dinnermuziek
6.45 Voorlichtingsdienst
7.00 Noticias na Pap.
7.15 Musica varia
7.30 Musica Holandes
7.45 Nieuwsberichten
8.00 Norte Americana
8.15 Lagrimas de una madre
8.30 Daniel Santos
8.45 Los Indios
9.00 Peticiones
9.30 Cortijo y su Combo
10.00 Sluiting

RADIO VICTORIA

Diamars 28 di juni

11.00 Apertura
11.15 Novela Cristiana

Ultimo modelo

FRIGIDAIRE ELECTROLUX

ELECTRIC
Capacidad 4.8 cu. ft.

Cfls. 350.— cash

ARUBA TRADING CO.

Pa haci kiko spaar placa caminda bo ta hanja solamente uno of dos porciento interes pa anja ora

LA ESPERANZA

TA PAGA 6% OF MAS???

11.30 Melodias di Meridia
12.00 Ultimas Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Ensenos Musicales
3.15 Melodias del Alma
3.30 Adelante Juventud
4.00 Musica di Banda
4.15 Escenas Celestiales
4.30 Cafe con Musica
4.45 Waltan Favorito
5.00 Academia del Aire
5.15 Palabranan di Bida
5.30 Interudio Musical
6.00 Ultimas Noticias
6.15 Noticias Celestiales
6.30 Noticias Holandes
6.40 Musica Clasica
7.15 The Handstand
7.30 The Lago Hour
8.00 World News
8.10 Off the Record
8.30 Back to the Bible
9.00 Musical Gems
9.30 Bible Time
10.00 World News
10.15 When Day is Done
10.30 Sign off

RADIO CARACAS TELEVISION

Martes 28 de junio

9.55 Patron de Radio Caracas Television
9.55 Informacion sobre los programas del dia
10.00 El Calendario de Mama
10.30 Cuentos de Mujeres
11.15 Cortos cinematograficos
12.00 Gran Show de las 12
1.45 So novela Fafvorita
2.30 El Imperial TV
2.00 Cortos.
2.30 Club Feminino
4.30 Club de los nielos
4.00 Por el Ojo de la Cerradura
4.00 Estudio de Hector Monleverte
6.00 El Show de Henry
7.15 El Tercer Hombre
7.30 No Diga Si. No Diga No.
8.00 El Observador Creole
8.15 El Precio de la Vida
8.30 Sospeso con Alfred Hitchcock
9.00 La novela Camay
9.15 Amador Benluyan en television
9.30 Documentales
10.00 Cineprograma
11.00 Patron Radio Caracas T.V. Despedida.
11.00 Noticias Nacionales
12.00 Patron Radio Caracas Television. Despedida.
10.30 Documental
10.15 Hymns that Live
10.30 Sign off.

OFICINA MARITIMA DE ARUBA

Tel: 1622
Empaquetamiento di Muebles

SEMPER FRESCO, SEMPER BARATA Y SEMPER LIMPI

KEES GROCERY N.V.

TEL. 1079-1918

CEMPRO n.v.

Wayacka - tel. 2444

BLOKKI DI BETON. POS DI BETON PA RIOLERING.

ACUMULADOR WILHELM HAGEN

pa tur uso.

Boto — auto — motocicleta.

GENERAL STORE

di C. L. Juliao.

Oranjestraat 26

Power-good looks

value-economy

Austin Healey Sprite

NOW AT

WARENHUIS v.d. REE -

LA VICTORIA

Distributors

AMSTEL ANTILLANO

semper FRESCO
semper SABROSO
y... HOPI MAS BARATA

AMSTEL ANTILLANO SEMPER OBTENIBLE NA BO TIENDA PIDI AWE MES.

Solamente
Fls. 8.75 pa caha

AMSTEL
BEER

UN BRUID COMO OFERTA pa TUYUCHI

No. 50

Theresa a dune esun di dje y e mes a bai na su cuarto p'e bai cohe un otro. El a spanta ora cu el a mira cu ya oloshi tabata muestra 3'or di marduga.

„Regla ta, cu mi mester tabata drumi awor aqui”, el a murmurá cu su mes. Pero e tabatin ainda dos pieza pendiente y cortesia ta existi cu e no por desenganja su partnerman. Ainda tabatin candel den fogen y pasobra e tabata sinti un poco calor, el a halar e cortinanan mabanda y a abri e bentana.

Luna a bai sconde tras di nubianan sin embargo tabatin streaman ta brilla ora firmamento y nacho no tabata scur. Ora cu el a pone e bentana na haak, el a sinti zoniconan foi lamur. Tabata pare cu e tabata tende zonido di un stem. Curioso el a leu den bentana mira 'fo. Pero e no por a distinguí nada cu seguridad, pero durante un momento e tabatin e impresion di tabata mira un barcu riba awa. Pero ora cu el a queda ta mira cu mas escrupulosidad, esaki a desaparece. Quizas lo el a equivoque, asina el a pensa.

Y sonriendo e tabata bisa den su mes: „Mi tambe a cuminsa ta imaginá mi cu mi a mira contrabandistanan. El a saca awor un lensu foi den su caha y apure p'e bai den sala trobe.

Ora cu el a corre baha e trapi te cu e tabata cerca di yega abao el a mira pa su mas grandi admiracion un numero di hombernan ta drenta na porta dilanti. Hasta pa Mandrake mester por tabata un ora laat pa ricibi huespednan nobo despues di 3'or di marduga. Pero despues Theresa a ripara cu e combito no tabata existi di huespednan bon bisti, ni elegante, ni cu diamante y demas joyanan of oro, manera nan sa na su fiestanan di marduga. El a reconoce uniform di dragondernan, mientras otronan tabatin panja di wardacosta y douane.

Un lacayo a apure ta bai na sala di wega, probablemente p'e bai jama un herde aya.

Theresa a sigui poco poco. Den e sala di baile te ainda e orkestra tabata toca e mes melodia di ora cu Theresa a bai ariba, door di esei el a hanja sa cu ainda nan no a toca e siguiente pieza. El a busca un sientio meimei di grupo di hendenan y a mira cu e lacayo tabata para banda di lord Bolkan. Esaki a sigui su conversacion cu e tabatin e ora ei y te despues el a dirigie n'e lacayo. E homber a bisa algo y facilmente e lord a cuminsa ta pasa cu calma door di e mesa y stultin.

Na un momento dado e tabata para enfrente di Theresa, cara cu cara. E marques a hala unbanda pa larga Theresa pasa y ora cu el a sonrei cu e marques un poco confus, cu un lihera aza asombrado el a rancia e lensu foi man di Theresa, cual a eui na suela.

El a inclina y a cohe esaki p'e. „Mi ta quere cu esaki ta bo lensu?” el a bisa cu un cortesia decente. Y

ora cu Theresa a saca man pa tume, el a bise poco poco na boz baho: „Bai cerca mi mama y avise cu un seccion di dragoner y hombernan di wardacosta y douane a yega. Bo por alcance e via e paniel”.

CAPITULO VIII

Harriet Bolkan a pone un stapel di oro pa wega y a perde esakinan. Un segundo stapel a sigui e mes direccion di perdida. El a waak over di mesa y a ricibi e brillo di triunfo den wowonan di lord Wrotham.

„Ta imposible pa hunga contra e suerte ei di bo, Harry”, el a grita. Satisfecio lord Wrotham a queda ta mira e stapel alto di oro banda di dje. Y e tabata acumula su ganashi.

Pober Harriet, bo tin mal suerte awe nochi.”
„Pero e suerte ta bin cambia, Harry. Corda mi palabranan”. Asina e marques a responde bon sara.

„Bo ta bolbe revoca mi?”
„Naturalmente”, e marquesa a responde. „Ba quere anto cu ta un curazon di konochi mi tabatin?”
„Oh no, esei no, Harriet”, el a bisa na boz baho. Pero lo ni quier a bisa cu bo ta un poco sincuenta. E prome regla pa cada hungador ta: di no trata na forza un carta.”

„Soquetada. Mi ta bisa bo cu mi mester domina suerte.”

„Bueno anto. Mi n' tin nada contra. Si toch bo quier sigui mas leu...”
Lo nos hunga e biaha aqui 50 morocoto di oro envez di 25?”

„Cinuenta, si, cincuenta”, e marquesa a bisa apasiona.
N'e momento ei el a ripara cu tabatin un hende den su cercania. Tabata e mucha neger y el a corda a wor nima cu ta e mucha a trece e glas di brandy p'e cu asina tantu e tabata desea. Pero envez di esei el a pone algo otro banda di dje. Harriet su curazon a paraliza un ratu. E me-

sa su dilanti a para bira manera un mist. Casi automaticamente su man a move na e baraha di carta y el a tende lord Wrotham ta bisa:

„Ta duel mi, Harriet.”
El 'resong e palabranan sin cu tabatin duela den su boz. E muhe a pusha tur resto di placa cu ainda e tabatin den e lord su direccion.

„Mi ta falta ainda como 30 morocoto. Lo bo hanja nan denter di algun minuut.”

„No tin pura, Harriet. No causa bo mes molester”, el a bisa. „Bo mes sa cu semper na confia bo.”
Por ta bota e tabata haci di dje? Of por tabata beldadera cortesia? E no tabata sigur di esei. El a lanta para mientras el a garra su man rond di obieto chiquito. E tabata solamente un fleshi di liquido di hole. El a garra esaki asina duro cu el a sinti com e konopi tabata prim den su palma di man.
(E ta sigui)

CISCO KID

1. "Si e feria ta di mi... quico a pasa?" "A pasa cu..." 2. "Mi a bin pa haci bo paga tur e premianan... cu bo a priminti". 3. "Alto ta desconfia mi? Mi ta bay dal bo tur wanta!"



JUAN EL INTREPIDO

1. Desesperada Cequi ta libra di Kala y ta bolbe pasa man pa e handren. 2. Pero...



DICK TRACY

1. "Ta culpa di homber hieu". 2. "E ta morto. Pero tin un hende mas abao den boto. Cu ta jen di bida". 3. "Hiza e lona". 4. "Aloha".



RIP KIRBY

1. "Oh! Sr. Kirby! Mi ta imagina mi cu bo ta loco pa mira Fortuna... e novia feliz". "Mi ta haci tur mi posibel pa controla mi curiosidad. Sra. Wallington". 2. "Quico ta tarda Fortuna. C.P.? Tin ora mi ta quere cu e ta trata di no mira mi". "J. Ocurra. Whitlock! Pronto boso lo ta huntu pa henter boso bida". 3. "Nunca nan lo bolbe mira mi, pero ta e unico manera di resolve e problema".



EL PRECIO DEL TRIUNFO

1. "Mi a nota esey tur e tempo... mi tabata sa cu tabata algo entre nan dos...". 2. "Mlle Duval tabata masha amable di presta nos un di su autonan pa nos bay... pero ainda mi no sa quico a pasa Derek...". "Ta stranjo... e baron a bisa cu e la bay masha nervioso...". 3. "Despues...". "Saxa bin aki!"




EL DIARIO DE UNA VIDA

1. "Dispensa mi un rato. Mi a priminti e trabajador di bota cu lo mi bay busca e bota cu a caba di sali for horno". 2. "Mi ta bin en seguida. Procheba e momento pa conversa".



PEPITA

1. "Bo tin placa cambia un billete di \$ 5?". "Laga mi mira...". 2. "Magnifico! Bo tin \$ 5 di \$ 1-?". "Duna mi e billete di \$ 5-". "Awor?". 3. "Com mi por tin un billete di \$ 5-?". "No dia promer cu dia di pago?". 4. "Mas stranjo ainda ta cu mi tabata cinco papel di \$ 1- riba un dia asina".



Remitido

Director di Arubaanse Courant.

Cu bo permisi mi kier hanja espacio den bo courant pa mi scribi loka ta sigi:

Como mi tin anja nan largo den trafico di Aruba mi a mira hopi ekibacion den stuurmento di auto. Ma por ehempel mi mes no por bisa mi ta un bon chauffeur pasobra un caso cu no a pasa den 30 anja por pasa den un segundo ma semper mi ta trata pa mi ta alerta. Awor manera un chauffeur cu a caba di hanja un rijbewijs, esey nos cu tin hopi experiencia mester tin pasenshi cu e chauffeur ey pasobra na nos modo di bisa esey ta un nobo. Nos ta bisa nobo pasobra nos cu ta den trafico tur dia ta mira ora un hende ta sinja stuur y casi nos por anota ta cuanto tempo el a tuma prome cu e a hanja un rijbewijs. Enfin hopi mas easonan cu nos ta anota pa medio cu nos ta den trafico continuamente. Auto mi ta spera cu mi espacionan aki ta na euteres pa publico pasobra tin bez ami ta mira algu mas cu autoridadnan mes por mira. Y awor ta algun luna caba cu mi ta mira hende desconoci ta stuur un auto ma mi no ta meen pasobra e ta desconoci e no por stuur un auto. Ma mi ta meen cu e ta parse na hende cu tin poco idea di reglamento di trafico. Pasobra na San Nicolas nan sa para con cu ta y na unda cu ta, y core na cualquier direccion cu ta, hasta ta nos ta bisa nan cu nan no por para ey of drenta ey pasobra ta verboden. Tambe dia tras di a e calidad di stuurmento asina ta bira mas popular y tambe por core riesgo di aumeta mas accidente, y actualmente cada diahubes mas tanto anochi riba waf na Oranjestad mas cara stranjo ta drenta den un auto na stuurwiel y supla bai, tanto dama y caballero y poco despues nos tin cu pone hopi atencion cu nan pasobra nos tin cu cuida nos pasahero y cuida e auto di nos y di nan tambe y nos mes persona. Awor, y na e momento cu ta pasa e casonan ey mi ta pensa cu e hendenan ey no tabatin tempo pa bai na autoridadnan pa examina nan tocante di un rijbewijs internacional. Awor ami no sabi si mi idea ta ganjani pero prome cu un hende NO local ta na Aruba solamente pa algun dia of algun ora y si e tin pa stuur un auto e mester pa consulta autoridadnan di e isla ya e ora nan sabi cu e hende ey tin un rijbewijs den su poder y pruf tambe si e por stuur un auto. Anto miho autoridadnan actu na tempo cu laat.

HOROSCOOP DI AWE

ARIESNAN 11 Maart — 20 April

Bo ta hanja mas libertad pa bo dedica bo na bo anhelonan intimo no larga impulso domina bo.

TAURISNAN 21 April — 21 Mei

Bo ta alcanza hopi si bo queda den bo ambiente di confianza. Aki por socede algo dierito.

GERMINENAN 22 Mei — 21 Juni

Awe ta un bon dia pa bo larga sa quico bo ta desea. Correspondencia ta di importancia.

CANCERNAN 22 Juni — 23 Juli

Esfuertonan pa aumento di sueldo, entrada of semchentan por tin exito. Persevera.

LEONAN 24 Juli — 23 Augustus

Bo tin suerte den bo esfuertonan pa atende bo interesnan cu personanan importante.

VIRGONAN 24 Augustus — 23 September

Bo tin ginda un bon chens pa libbra bo di trabao urgente of problema. Bo tin chens awe.

LIBRANAN 24 September — 23 October

Principalmente atardi por presenta un chens pa gana concin cu ta vale la pena.

SCORPIONAN 24 October — 22 November

Bon aspectonan ta yuda pa banja fabonan cerca personanan importante. Corda porvenir.

SAGITARIUSNAN 23 November — 21 December

Ta un bon tempo pa forma plan y programa pa semannan entrante. Decision di oronnan ta na bo favor.

CAPRICORNUSNAN 22 December — 20 Januari

Asuntunan di placa comun por ser discut cu exito. Un bon periodo pa hanja placa fia.

ACUARIUSNAN 21 Januari — 19 Februari

Den curso di atardi un bon aspecto pa interesnan comun y andamentu cu amigunan.

PISCES 20 Februari — 20 Maart

Bo esfuertonan pa logra elogio pa bo trabao a hanja exito. Busca amistad cu hende interesante.

MARTINA DIAZ ADILANTI DEN CAMPANJA

(Di nos redactor Deportivo)

ORANJESTAD. — E eleccion pa un Reina di Deporte ta den full swing y nos ta hanja e resultado obteni ta lo siguiente. Na cabes di e lista di 7 bella candidatas nos ta hanja actualmente Martina Diaz cu un total di 478 votos.

Number dos nos ta hanja Monica Irma Lewis cu 138 votos. Myrna Bislack di Rapid ta na tercer puesto cu 12 votos. E ta worde sigi pa Lucia Tromp cu 6 votos. Sira Koolman y Aura Rojas tin cada una 4 votos obteni y e ultimo ta Judith Peterson cu dos votos.

Di esaki nos por mira cu lo pasa meskos cu anja pasa cu e candidatura ta wardando nan votenan pa tiran den e ultimo dianan di e Olimpiada.

CORSOW A GANA SEGUNDO WEGA 6-0

(Di nos redactor Deportivo)

ORANJESTAD. — E segundo match di futbol entre e seleccionnan hubenil di Aruba y di Corsow hunga diadomingo atardi a termina den un victoria di 6 pa 0 na favor di e Curazolejonan. Na halftime Corsow tabata tin un comodo ventaha di 4-0 caba. Asina nan a cobra revancha di e perdida sufi diasabra anochi cu score di 3 pa 2.

E equipo di Aruba tabata fallo di su portero estelar Yubi Richardson, kende mester a bai Corsow pa atende practica di e seleccion antillano cu majan anochi lo enfrenta e seleccion di Hulanda.

Th. Kock

De N.V. Electriciteit-Maatschappij „Aruba“ geeft met leedwezen kennis van het overlijden van de heer

Mr. Jacq. Dutilh

in leven president commissaris van de N.V. Overzeese Gas- en Electriciteitsmaatschappij te Rotterdam.

In verband met de begrafenis ap 29 juni a.s. zullen onze kantoren op die dag gesloten zijn.

A ESTABLECE

E. L. FERROL

Agentuur- y commissiehandel

WILHELMINA STRAAT 58 — ORANJESTAD

Antes Caribbean Sales (Aruba) N.V. - Tel. 2176



HBU

HBU

VERHOOGING RENTE VERGOEDING HBU - BANKBOEKJE



Van 1 Juli 1960 af 3% rente



TOT EEN MAXIMUM VAN NAF 5.000,- PER BANKBOEKJE

Ook voor bankboekjes de HBU

HOLLANDSCHE BANK-UNIE N.V.

WILLEMSTAD WILLEMSTAD ORANJESTAD SAN NICOLAS
Brasestraat 1 (P) Agentschap Overland Brasestraat 17 (O) Nassaustraat 92 Bernard v. d. Veen
Telefoon 11340 Telefoon 24050 Telefoon 1200 - 1204 Telefoon 5690